

Neue
Leitung,
was
den 20.
Sept.
in Rom
gehan-
delt.

II n
6010



Neue Zeitung
aus dem Verlagsbureau
des Königl. Preuss. Hof-
buchhandlungsbureau
in Berlin
am 1. März 1871





8
15

Neue Zeitung

was auff den zweintzigsten tag

des Monats Septembris durch das

Kayserisch Kriegsvolck gegñ

dem Babst/vnnd andern

in Rom/mit dem

Ernst gehan-

delt wor-

dē ist.

houpff



13

1896/7: 243

ut not ad no. 11.

1526.



Ed. Boehmer

BIBLIOTHECA
PONICKAVIANA



Emlich als des Papsts
vnd Keyserlicher Maiestat Kriegs-
volck aus dem Königreich Neaplas:
Nemlich/Doñ. Hugo de Monchadal
von Keyserlicher Maiestat wegen/
Auch die Coloneser/mit sampt irer grossen rüstung
auff Kayserlicher Mayestat seyten vnd dero zu
gutem gegñ einander gelegen seind/Nemlich Kai.
May. vnd der Coloneser volck/ zu Morini vnd
Grata ferrata/vnd 8 Babst sein volck/ auch vmb/
vnd in Rom ligen gehabt/ Nachmals habē sy sich
mit einander vertragen vnd ain Tregua/ oder an-
stand auff etlich Monat gemacht/ darauff sich der
Babst verlassen hat/vnd sein Kriegsvolck so er ge-
habt geurlaubt hat/ So haben sich auch die Kay-
serlichen vnd Coloneser/mit yrem volck/inn das
Königreich Neaplas gethon.

Aber Doñ. Hugo de Monchada als oberster
vber Kay. May. volck/vnd die Coppi de Colones-
se/als nemlich der Cardinal Colona/ Signori ves-
spasione/Colona sich miteinander geraten/vnd
ain heymlichen ainhelligen anschlag gemacht. Da
selbst zu Rom den Babst vngewarneter ding wie
dan beschehen zu vberfallen/haben sich im König-
reich erhöht/vnd vngewärlich viertausent zu fuß
vnd mit tausent geringen pferden/ bey tag vnd
nacht furt gezogen/vnd iren verstandt der mase

sein gehabt/ Auch all Pässz auffgehalten/ das man
jr zu Rom nichts war hatt genomen/ bis sie vntz
zu Rom seind komen/ darauff auch vom hauffen
sechs hundert geringer pferd genomen/ die Statt
thor bey tag vnd nacht einzunemē verordnet/ auch
als pald drey thor/ Nemlich porta de sancto Joan
ni/ Porta de sancta Maria maior/ vnd Porta La
tina. Auch on yeder port mit zweyhundert pfer
den halten lassen. Darnach seind sie mit dem ge
waltigen hauffen hynnach geruckt vnd in Colo
na komen/ Alda haben sy sich in die drittē stund ge
wört vnd reservirt: Auch als bald jr ordnung ge
macht/ vnd vernemen lassen in die Burg zu ziehen/
vnd das Palacium in namen Kayser. Maiestat
einzunemen. Auch das Schloß sancti Angeli. Vñ
sind also durch die transiurn die new straf gezogen/
Auch also an die port sancti spiritus komen/ Wie
wol die port versperrt vnd vermachtet. Auch mit
zweyhundert knechten also inn eyl besetzt gewesen
ist. Auch die Römer noch das Populo kein wör od
arma von des Babst wegen gehabt noch annemē
haben wollen/ seind sye vber den Perg zu sancti spi
ritu hineyn komen/ Vnd die knecht in dye flucht
geschlagen/ Auch die gedachten port/ von stundan
auff geprochen/ Vnd den andern hauffen mit dē
geschütz hineyn gelassen haben/ seind also vor das
Palacium gezogen/ aber alda niemants gefunden!

Dann sich der Babst in der eyl vnd gehaym das in
Castell sancti Angeli gethon/vnd die Schweytzer
Gwardia bey im gehabt hatt/ Also haben sy dye
phort an dem Palacium auffgestossen/vnnd dar
durch hineyn komē/auch das Palacium sackisyert/
oder geplündert/darin vil gūts gefunden/dann in
der eyl nichts nit hat mügen geflechnet werden.

Sie haben auch dem Babst/ Salua ros
Ba/auch die Capell vnd sacristia der Capell. Auch
Sancti Petri sackisyert/vnnd in vil anndern heu
fern schaden gethon.

Als bald der Babst das/ nit schertz sein/verno
men/hat er mit Doñ. Hugo sich zu vertragen han
deln lassen/ Darauff Doñ. Hugo zu Gaysel vnnd
pürgen den Cardinal Cibo/vñ den Cardinal Rus
dolffi so gegenwertig gewest/begert/ Auch sich ge
dachte Doñ. Hugo zum Babst in das Castel san
cti Angeli verfyegt/Vnd nit einmals man saget be
schlossen/das der stillstand vier Monat lanng sol
seyn/ Es sol auch der Babst das Künigreich Nes
aplas nit offendiern des gleichē die Kayser. May.
gegen im weyter nit thun.

Der gemelt Babst sol auch sein volck in Lam
pardia/in funffzehen tagē den nechsten abfordern/
Aij

oder wo er das der pündtius halb nit thun mecht /
inen den Kayserischen Dreyssig tausent ducaten /
des zu Bekrefftigung hatt inen der Babst zu bürgē
in die hand geben / Doñ. Philippo Storgi. Weiter
sol inen noch Jacob Saliuaten son / der diser zeyt
nit beyhendig gewesen / auch zügestelt / vnnnd vber
antwort werden / Darumb hat inen der alt Jacob
Saliuat achtzig tausent ducaten / bis zü vberantz
wortung seynes sons verschryben.

Also seind nachmals die Coloneser mit dē volck
hynweg gezogen / vnnnd ist allain Doñ. Hugo bis
zü auffrichtung der abred / zü Rom beliben.

Es ist auch die gemain sag zü Rom / das das
volck zü Martini Grata ferrata auffhalten / bis
auff weytern beschayd. Auch teglich schreyen Im
perio Imperio vnnnd Liberta vnnnd Colanca ꝛc.
Daraus zü vermüttē / das durch schickung des All
mechtigen / die Kay. May. als vnser rechte vnnnd
von Gott gegebne oberkait / die Kron vnnnd Kere
zü Rom erheben vnnnd behalten würdet.

Wiewol gedachter Doñ. Hugo / in Rom ha
durch die Trumeta lassen aus ruffen vnd vmb pl.
sen / das sich niemant fürchte oder in schrecken setze /
Dann er werde sonst gegen niemands von Kay.
Mayestat wegen nichts nit handeln / oder fürnes

men/ oder dasselb zu thun gestatten. Aber vnau
gesehen solchs beruffs/haben ettlich in Rom aus
forcht vberfals/der gemainen knecht/was
das böst gewesen/an gwarfame end
geflechnet/vnnd an sichere ort ge
bracht/vnnd dardurch nur
das geschryen/wie vor
auch angezaigt
ist/ Imperio/
Imperio.

meine oder dinstig zu thun gestatten. Dieser thut
gesehen solches befristet in 2000 an
fordere. Es ist ein Instrument in
das die besten in dem Instrument
gesehen und an sich auf die
Bachmanns Buchdruck und
das Buchdruckmeister
auch angeht. In dem Instrument
ist Imperial
Imperio.



No 5016

MS. 15016



Tn 6010

ULB Halle
004 975 545


3





[Faint, illegible text on a small rectangular label affixed to the upper right corner of the book cover.]





1526.

8/9

19

Neue Zeitung

was auff den zweintzigsten tag
des Monats Septembris durch das
Kayserlich Kriegsvolck gegn̄
dem Babst/vnnd andern
in Rom/mit dem
Ernst gehan-
delt wor-
de ist.

13

1896/7: 243

wie not ad no 11.



houpff

